

四庫全書

集部

欽定四庫全書

集部

御製詩初集卷九

十

臣 永瑤 恭 校

侍讀臣孫球覆勘

總校官原任中允臣 王 燕 緒

校對官學正_臣 李 巖

謄錄監生_臣 杜 文 海

欽定四庫全書

御製詩初集卷九

古今體一百二十一首

壬戌二

夏夕齋居

歸鴉噪宮城暮景侵
虛殿金妃羅夏卉芳
被薰風扇而予適齋
居志豈循物玩曠懷
熙皞治未愜黔黎願
撫景每增慙披衣坐
待旦

夜雨

夜雨滴空階無眠意亦佳聲喧鳩鵲瓦聽到丑寅脾澤
普蘇田槁功殷潤物茲半年憂思切此際少紓懷

斷續復春容嘉祥應九農心殷一犁雨聽徹五更鐘花
氣香疑煎苔紋潤欲封明朝汎望處宮樹綠漆濃

題孫祐周鯤丁觀鵬全畫十八學士圖

當年盛事紀登瀛傳說芬疑齒頰生自是玉堂無俗客
不須金馬羨仙卿木天珂劍從携侶禁地琴書許暢情
同有雄才誇博雅十思誰繼魏元成

夏至日有事於

方丘禮成恭紀

星火紀蒼龍陽烏盡午中應時陳

盛祀先事惕微躬林筦調宮徵方壇配

昊穹夔夔羣辟集惴惴一誠通永念陰陽嬗端惟造化
功祇期長養遂萬物育薰風

詣

暢春園

皇太后宮問安

秘殿齋居缺問安

方丘禮畢此迴鑾前宵甘雨蘇羣彙敬與

慈闈一樣歡

北郊禮畢回圓明園道中作

薰風應律調元化膏雨知時利夏耕不獨公田霑渥澤
一花一木揔敷榮

繒燎光中葆吹聞迴瞻黃幄瑞氤氳梭街步出仙韶引

槐柳陰濃綠似雲

黃繖朱旂鳳向隈
屬車劍珮有鄒枚
天公賜與迎梅景
繡陌青葱絕點埃

垂楊十里翠青絲
警蹕聲中駕六飛
最愛霑衣朝氣潤
輕雲猶作雨霏霏

詠珂馬聲

紫陌喑喑報曙雞
蟾光欲傍露盤低
九天閭闔歲蕤啓
百辟冠裳鷺鷥齊
鸞步引聲鏘玉珮
槐街奏響散銀蹄

何人待詔長安舍剪燭抽毫細品題

石榴花

散彩映朱軒舒榮當夏月綠枝綴繁星清芬猶可悅

雞卵

無雞卵不生無卵雞不成循環誰為始倩彼雞卵評

夏日御園間詠

幾暇登樓暢遠襟喜因南畝足甘霖松篁籟靜青含潤
谿壑雲生翠欲沉魚唼花紅浮水面蝸盤蘚綠匝堦心

篆凝金字澄懷永物理民情獨自斟

霽後園林夏似秋
滾滾仙掌露華流
溪聲滑笏添新漲
山色疏眉入小樓
疑有片雲生晚岫
誰撐扁舫破烟洲
晝長贏得清吟興
不覺雞人報午籌

風槐煙柳綠成帷
影度紗櫺午日遲
暫向幾餘閒學草
偶因吟罷亦敲碁
曲池新漲分魚子
碧宇高空放鶴兒
最愛子西傳好句
依稀山靜小年時

偶泛扁舟晚瀨明
風搖蘆荻洒然清
一天佳景誰為領

幾個閒鷗自作盟
山木無言偏得意
野花有分亦敷榮
溪田愛看新秧茁
綠水平疇正好耕

相風金鳳尾當南
綠滿文窓生意含
晝永花香熏似醉
雨收天色碧於藍
行看魚鳥閒來適
坐擁詩書靜裡耽
日暮池邊還徙倚
一鈎新月鏡中涵

清暉閣畔幾株松
著雨虬枝綠更濃
每愛濤聲吹謾謾
常看蓋影陰重重
軒窓靜對含朝爽
烏鵲歸飛帶夕春
陸葉山花紛闋艷
堅貞只擬待三冬

壺天佳景入窗紗翠幄千層視彩霞林壑畫圖疑伯虎
池塘鼓吹奏官蛙天光雲影供詩料鳥語花香長道芽
詎樂蕭閒弛乾惕憂心時切萬民家

綠潤紅澆景倍新尋常行處草鋪茵鳥鷗花片驚眠蝶
魚傍蒲根避釣人漫擬閒情吟九夏那堪憂思度三春
公田雨足心差慰生物從知天地仁

大學士福敏七十壽辰詩以賜之

前世文昌宿當朝王者師典型鶴鷺序標準鳳凰池有

問鳴鐘應方瞻霽月披耆年緣今德初度值良時堂敞
槐陰茂筵開日影遲春風坐綺席仙酒介厖眉允賴經
綸手猶疎弟子儀壽身兼壽世長佐太平基

新荷

昨日看花三兩朵媽紅笑日含婀娜今朝看花花滿湖
薰風盪漾香霞敷天孫機杼迅若此堂堂日月誰能止
吁嗟新荷尚如綺老藕絲斷波心死

静夜吟

暮春漸隱紅霞影銀蟾素彩流清景紗牖朦朧花氣浮
丁東漏下良宵靜漫聞別院按雲和詎樂生香列綺羅
支枕無眠還起立後樂先憂憂思多

釣魚磯

新蒲綠水泳文鱗偶坐花磯理釣綸笑我塵心無好夢
幾曾得遇渭濱人

齋宮六章章十四句

有伽齋宮翼翼沉沉穆穆

皇考心

聖祖之心不冒萬宇

上帝是欽維日南至郊祀孔臨遷坐變食在懸無音凝
社受釐儼若

帝歆來戒來齊用凜難諶

龍塞之山儲有良材乃浮於川達帝京不遲叶爰經爰

營載築載培

命彼大匠繩尺是依叶其柱維楠其楠維栢叶不文不

鏤海望所作既底厥法載觀其落

猗與煌與天闢之宇鬱律栝稜貝箔珠戶枚枚巖巖在
乾清宮左有丹其楹有青其瑣既深以嚴亦安而妥不
敞不軒周廬綿綿曰維億年利我後人

叶

昔在

聖祖心齋肅肅

考建茲宮匪誇華屋致潔致誠毋䟽毋黷律中黃鐘一
陽始復將事大祀心乎穆穆爰即而齋爰薰而沐瞻仰

昊穹以集厥福

自古建章萬戶千門亦有大夏推唯成觀叶彼何為今

此則可原匪以富而侈匪以飾而繁制樸而渾居茲敬

存有堂則明有室則溫我後子孫永保斯孔安叶

永言保之戒彼崇臺叶我宅是宇心乎我思我

祖我

考廓此丕基我曷承之俾堂構是貽

天饗惟誠民歸惟慈惟慈惟誠匪以偽為我後子孫尚

克念茲

西海泛舟

岸柳遮陽景湖風漾碧波雨餘行處靜山翠望中多笙
響蟬鳴樹香薰樵拂荷綠膝如錯繡倚咏興如何
西山濃似染倒影入清漣暢此眺吟趣何殊書畫船綠
蒲依碧水白鷺上青天座裏聞雙櫓舟移別一川

夏日遊玉泉山羅漢洞疊前韻

宿具遊山興因來避暑頻月光瞻古佛筌韻聽新筠空

色原無二林泉自有真寄言塵俗客到此悟迷津

心遠閣閒眺

地迴林疎遠益明西山相對白雲平稻畦麥隴秋兼夏
領取懷新一片情

賞過樓臺前韻

山靜夏無暑窓虛樓似齋綠雲鋪野暗爽籟韻松佳衣
潤泉流澗人間鶴唳階幾多憂樂意高咏一開懷

夜雨寄興

夏霖入夜勢方綿
文帷翠簟寒彪然
忽聞雷聲殷山側
蒼牙急溜鳴飛泉
老農望歲心應喜
興來我亦同乎此
推敲詩句鎮無眠
不嫌芭蕉聲聒耳

雨中烹茶泛卧遊書室有作

溪烟山雨相空濛
生衣獨坐楊柳風
竹爐茗椀泛清瀨
米家書畫將無同
松風瀉處生魚眼
中冷三峽何須辨
清香仙露沁詩脾
座間不覺芳隄轉

題張雨森山水畫

嵯峨翠巘幾千尺却疑靈境何人闢鋪空白雲一谷寒
叅天老松千歲碧豈同蜀道五丁開足有稜稜大斧跡
銀龍飛走山腰白瀉入平湖流澤澤板橋幾曲架懸崖
獨許幽人蠟雙屐更有草亭溪畔隔几上黃庭列數冊
箇中不共天地老何論區區駒過隙懸之高堂六月涼
助我清興生吟席

曉起

曉起憑軒楹林泉俱靜怡假山凝宿潤新花濯故枝洒

然衣袂涼九夏如秋時俯仰足適興何必登崇臺叶是
時甘雨足膏澤遍艸菜叶念彼隴畝間新秧正含滋撫
景塵重農豈以恣遊嬉恭已奉三無澄心待萬幾

螢

雨後飛螢出因風散碎光梧階流熠燿蘆岸照蒼茫裁
句吟清夜攤書卧晚涼那堪當夏半秋意到南塘

聽水車聲

泛舟傍湖田湖水流活活草亭架膝上結構頗軒豁老

農四五人長日披襖襜驅牛轉水車水車鳴軋軋不為
漢陰叟機心斥耨桔不為宋人父助長將苗堰終年勤
南畝富貴不能奪翁足亦已賦牛力亦已竭薄暮枵腹
歸瓦盆飽粗糲

五襟組

五襟組文錦帷往復還機上絲不獲已飢溺思
五襟組勝彩虹往復還霜信鴻不獲已念始終
五襟組丈若豹往復還關山道不獲已謹辰告

五襟組錦地羅往復還織女梭不獲已老如何
五襟組美嬀嬀往復還粟在簸不獲已學為我
五襟組元黃裳往復還濟川航不獲已簡賢良

獨不見

說築傅巖王者師夢中見形形肖之渭濱釣叟年八十
兆協非熊輔姬室古來遇合雲從龍四表化溢揚同風
嗚呼望美人子歧子羨長歌一曲獨不見

消夏十咏

荷

澄思臨池鏡，含情對月窓。
春光迴洛浦，秋水憶湘江。
愛看花無萬，寧聞格有雙。
坐叅兼倚咏，聲色任攢攔。

蟬

何處咽笙簧，千林曳響長。
懷秋予有意，入夏爾偏忙。
暫息緣朝雨，羣興噪夕陽。
中郎精博物，琴韻識螿螂。

扇

懷清衣袖裏，祛暑綺羅叢。
幾疊烟雲面，一堂松竹風。
展

疑弓未滿懸似月當空
閭闔扇仁化寰區徧德同

蛙

池塘喧樂部閣閣萬聲齊
鳴水如黃犢知時讓碧雞
豈同魚在藻偏喜草平隄
任爾繁聲急銀河已漸低

螢

向晚撐扁舫蘆洲泛碧澂
伴吟渾似月照夜不須燈
已報秋前信應知雨後增
長門今古恨賦扇幾人能

冰

廣厦無煩暑精盤貯碎冰涼逾菱脯扇色似玉壺凝興
永澄懷託塵空淵鑑憑夏蟲元得共可語又何曾

月

東軒憑檻待北渚泛舟遊愛爾清光迫添予詩思悠寒
侵衣不濕影澹水同流幾度看盈缺銀蟾又報秋

雨

密雨連平野油雲斷遠村溜簷絲筑響暗浦沸蛙言梅
熟黃偏重苔新綠更繁翔陽輕逗處不覺幾朝昏

瓜

雪及剖冰蘘清甘沁齒香黃沉惟讓李翠冷不諄霜即
圃名猶豔王園種最良何人方病渴一辨試分嘗

蛩

秋信憑誰報王孫花下歸吟堦聲尚澁振露羽猶微皓
月伴清詠涼颼動薄帷堅冰何待履君子貴知幾

雨中瀛臺泛舟

雲為棟宇玉為田草木懷新摠淨妍自是方蓬難得到

却教仙漢破輕烟

喜晴

挈壺蓮漏百花中殿角微傳朱雀風

陶朱公書朱雀風主晴

千畝

正含膏澤潤群芳猶喜曉陽烘梳翎鶴立懸崖翠
魚隨落瓣紅身在九重心蔀屋較晴量雨一般同

絕句

嫩紅新綠匝軒墀徙倚幾餘把筆時最愛園林新似沐
片雲常作雨絲絲

題白石榴二首

畫把緗囊換絳囊
臨風薄粉試梳妝
相逢似在瑤臺夜
不辨花光與月光

一種風流澹處宜
檻窗清絕晚涼時
東山少傅今猶在
羽扇綸巾看着碁

望法海寺

雨後西山翠如洗
嵐光浮座秀尺咫
似聞鐘磬林外鳴
常有雲烟峯半起
就中法海古精藍
曾遊記得禪闕美

風戛松筠紛筭笙霜酣榭栢垂紅紫旋開寶殿鎖琅璫
法王獅座虔瞻禮偶然遊戲探曹溪山僧為我叅一指
今朝望裏試重尋昔猶非昔今豈是晚遠閣中一覽時
舊遊法海寺有却供毗
遠閣一覽餘清省之句由來不隔彼與此

澄懷堂

細草輕莎綠滿堂荷風槐雨釀新涼池塘潏潏鷗朋集
簾幙蕭閒燕子翔四辟圖書鑑今古一庭花木驗農桑
金猊篆裊澄懷永民事艱難子細商

我愛夏日長

我愛夏日長日長清道心研精消遲景稱予惜寸陰
我愛夏日長清風拂軒戶圖書堪避炎該覽鑒今古
我愛夏日長雨餘天蔚藍飛躍任鳶魚渾然萬理涵
我愛夏日長南訛正長養千畦稻花風茂對祝豐穰
我愛夏日長湖亭鏡光映自然無煩暑何必學心淨
我愛夏日長拂檐清籟吟封章靜披覽勤政盟初心

閩省進到冬花佛手

金史四庫全書
卷九
一指誰能會衆香猶可薰似拈閩嶠月飛渡洞庭雲暎
坐披全體因風散細芬如來無說說迦葉不聞聞

讀史

亭午日正長廣殿涼颼起御園隔煩囂梧竹清且美翩
翻蜂蝶翅芬馨花藥蓋萬幾此少暇憑几自讀史於馬
鑿興亡因之辨滅否遙遙千載間公論賴有此

夾竹桃

勁綠柔紅三兩枝倚風清影故差差品題漫倩徐黃筆

却喜微之七字詩

夏日奉

皇太后宴月有作

龍飛瀛海鏡光佳

瀛海飛龍
舟名也

齒齒風香爽氣諧壽酒介

眉添

鶴算銀蟾騰彩耀榆街雲和細按鈞天樂絳幘方傳午

夜牌愛日心殷兼愛月千秋萬載奉

思齋

聞浙省今年蠶繅其盛喜而有作

重穀心殷並重桑繅簷甚陌塵籌量星輝天駟徵殊瑞
聞道吳蠶熟倍常

咿軋村齊響緯車松明火燒斗河斜辛勤吳女無閒暇
那采尋常陌上花

東鄰晝靜聽鳴機西舍春深繭更肥盡祝黃姑乞心巧
呈采新樣稱裁衣

浙土從來桑作田宜晴宜雨養蠶天女紅並與農功溥

卒歲常吟七月篇

過廣通寺

門隱松篁天雨華
驅車偶過梵王家
山僧想是蕭閒甚
古鼎敲烟自煮茶

閒拋貝葉覓雲門
試問迦文旨若存
會得經禪都是幻

風旛公案不須言

廣通寺舊為教院後亦叅禪云

題載花船

露叢風豔絲葳蕤
朝夕培溉資花師
湖心庭軒靜且敞

傍我文石舍幽姿亞盃旖旎香雲垂欲渡空明舟載之
孰謂汀洲無陸卉究與荷芰爭忝差擢依岸轉清芬細
彼何人兮泛液池鏡奩不用侍兒拂丰標照徹羞胭脂
却笑蕪葭徒采采每隨好鳥鳴笙絲恰如弱水三千里
仙姝羣弄仙槎時

光明殿

今日三清境前朝萬壽基

光明殿明萬壽宮地也

彤閣衛帟豹青

殿罩果恩鶴立千年柏雲凝五色芝瑤階栽玉砌寶像

范金為詎慕神仙術惟祈暘雨時來齋心惕若願謏奉
無私

風雨歸舟

雨絲作陣霏霏下蘭舟晚放閒消夏鷗波潏泆泛輕烟
忘機似遊霄霓野湏臾油雲天幕合儻來飛瀑漫空瀉
湖波崖溜兩不分只疑千斛珠璣灑空中萬籟誰吹噓
龍宮簫鼓應非假風蓑烟笠那禁濕雨衣不漏真宜瓦
黃頭盪槳何匆忙觸日景况詩情惹岸柳濛濛隱亭臺

鏡荷濯濯增嬌姹却喜秧針茁綠畦仍憂暑雨多怨者
一心憂喜渾無定齊物誰能悟拍馬當前佳景資幽探
欲命唐岱重摹寫

園人進蔬

晚圃摘生翠筠籃貯碧纈嚼來剛熨齒看去欲銷炎雨
覓驪珠顆煙葱碧玉尖大官無異味猶勝水晶鹽

方壺勝境二首

梧竹蕭森列幾株文軒長日麗清都蕉心抽綠畫千軸

荷瓣漂紅霞一湖繞棟初聞子母燕乘波羣浴帝王鳧
對時育物歌薰意興與詩人別體殊

擬將何事遣餘閒舊稿新題手自刪高只有天塵迥絕
下臨無地水迴環立銷赤帝唐三伏坐待姮娥月一彎
却笑秦皇求海上仙壺原即在人間

螢

皓月娟娟弔素娥流螢熠熠拂窻過乍看今夕繁如此
為憶去年景若何雨夜燃燈光不暗秋宵點樹影無多

儘堪照幄供吟筆底用為囊費薄羅

英華殿菩提樹

何年畢鉢羅

菩提樹一名畢鉢羅見酉陽雜俎

植茲清虛境徑尋有旁

枝蟠拏芝幢影翩翩集佳鳥團團覆金井靈根天所遺
嘉蔭越以靜我聞菩提種物物皆具領此樹獨擅名無
乃非平等舉一堪例諸樹以無知省

蘭

芽茁紫箭新葉抽青劍短著雨生意佳逗風真馥遠綠

窗影遲遲簾餅作清伴逸興吟五言遐心企九畹

載月舫

晚颺漸起菰蒲洲紅霞餘影天際留須臾東岡桂輪上
照我載月之扁舟金波溶溶寒淅淅閒汀鷗鷺鳴相酬
桃笙榴枕爭蕭爽寒天露氣衣衫浮如坐瑤京眇雲漢
彷彿乎采真遊

初伏

綠林濃欲滴赤日蘊如蒸梅潤濕階礎炎歊薄戶庭拂

金剛山房詩集 卷九
拂透窗籟稜稜貯盤冰坐愛浮翠瓜生憎變白蠅花香
薰日和泉響調千箏揮扇無煩暑忘筌有餘清

耘田者

老農炙背耘田苗汗濕田土如流膏廣庭揮扇猶嫌暑
彼何為兮獨不苦獨不苦兮無奈何未見應比見者多
農兮農兮良苦辛慙媿身為玉食人

金昆虎邱待月圖

吳宮金寶氣化作虎邱山

見米芾詩帖

良夜休孤負幽人共

往還劍池澄澹澹眉月印彎彎何異蘇門嘯蕭然天幕
間

勤政殿對雨

梅雨頻霑欲作霖坐來九夏豁煩襟風花帶濕飛殘瓣
驚鳥衝烟覓遠林階齒暗琴紛作響簷牙細溜亂如斟
封章覽罷饒清課芸簡閒披獲我心

夏日至上書房示弘瞻輩

師友羅時彥經書萃講筵真詮探月窟妙理悟魚淵廣

厦無煩暑分陰惜細梅耽詩漫學我努力且希賢

江南淮徐等處連年被災既蠲租賜復旋命大臣

前往加賑今聞麥秋有收喜而有作

曾聞古人語民以食為天宵衣望歲心日久倍乾乾惟
願萬宇內比戶免饑寒念彼淮徐地水旱數歲連啼飢
彼老幼孰哺粥與饘號寒彼婦子孰衣布與綿每當大
吏奏或聞輿論傳玉食不能嚙仰籲泣涕漣匡救盡人
事蠲復遑後焉旋命大臣往勘賑德意宣拯彼溝壑危

登此衽席安帑藏非所惜更留轉漕船近接守土臣封
章傳喜言云是麥有秋餅餌可佐餐仍逢雨暘若秧苗
綠茁田稍慰午夜憂額手意歡然

皇天溥仁愛今秋定有年

率侍衛等習射殿廷

雕弓繡羽如霜淨幾餘試射非爭勝曾聞古人辨良材
我亦因之學心正虛堂軒豁六月涼壯士能彎解角強
羽林十二趙桓衆人人絕技誇穿楊我朝弧矢服天下

太平詎敢忘戎馬吁嗟蓋臣聽子言克念爾祖勤勞者

戲題靜憇軒

舊時讀書舍也

舍是讀書舍人非靜憇人禽鳴如話舊花舞解懷新藝
圃有餘樂琴齋無點塵拈題清興永欲去重逡巡

西海捕魚

捕魚漁子能弄舟榜人晚而我適然來欲識捕魚道西
海新漲後綠波深且瀟颯颯響新蒲嚶嚶集飛鳥式施
罾而網式執綸而釣叶鮎鮠鯉鯽類所獲誠不少念彼

訪渭人脉脉憂心悄

日影

日影向南移欄檻增光明夏至已逾月義御不暫停陰
陽默嬪代消息此子爭惜陰勵初志扶陽驗物情遲遲
晝漏稀花木欣敷榮枕簟無煩塵牋管有餘清

曝書

棊几冰懨晝曝書古香馥馥透文疏難逢爽籟吹長夏
肯使青緗飽白魚謾擬閒情賦鉛槧憑將結習驗居諸

阮家竿布非吾事試展陳編若起予

園中摘果恭進

皇太后

琉璃盟貯碎瓊瑤照眼清涼暑欲消為進

壽康供夏清西池六月勝秋朝

泛月

三百六十日期望各十二泛月惟宜夏望夕纔三次其
間光明夜屈指堪數計陰晴復不定誠哉過隙易今夕

乃何夕際此銀蟾
蘆菴寐多靜
賴湖山有佳致
漫倚洞簫和莫酌
新篔醉即事吟
五言徂徠抒遐思

神仙引

騎龍曉赴三清朝
翱翔紫府偕佺喬
東遊海上喚太真
重舞霓裳按六么
黃鶴赤鸞棲瑤圃
神之君子翩來下
叶一聲長嘯萬竅
風幾迴灑涕三秋
雨俯視齊州十三
點滄桑屢變增吁
感壺中日月不堂
堂洞口春光亦冉
冉瑤為階兮金為
室中有至人不可
識若把貪嗔癡念

求秦皇漢武求應得

無逸齋在

暢春園中

皇祖所建也葺而新之以為問安憇息之所得詩二首
几有陳編覽齋無玩物憑文淵企深汲道岸仰

先登堂構期勤肯仔肩懼莫勝永惟心作所

庭訓倍欽承

勝地宜

慈豫高齋味至言荷風涼拂簟竹氣靜當軒坐愛琴書
潤渾忘鳥雀喧壺中承

夏清膝下領

春溫

學字

長夏清且閒朝回憇池館蕙風拂桃笙鶯溪揮玉管淡
淡墨池雲叠叠來禽版義獻去已遙顏柳真蹟罕追摹
消永晝徘徊作清伴學敬語堪味筆正規尤善

埋輪圖

東漢士林重氣節
嶽嶽丹衷多熱血
跋扈將軍勢正雄
御史埋輪輪軸折
狐狸不問問豺狼
稜稜正氣如干將
廣陵剽賊知感泣
千秋佳話傳餘芳
吁嗟堯草知指佞
從古形端斯表正
披圖恍如見此人
監史常臨倍勤政

靜明園雜咏

雨霽林園靜日長
風物佳花香濃入
座草色綠侵階
波澈鏡光晶泉流
琴韻諧餘閒時
駐蹕茂對一開懷

帝京瀝澗澤此處溯靈源
晝永風生樹雨餘花滿園
蝸盤涎作篆柏老石為根
足有林泉樂何須騎吹繁

清音齋畔柳風裊萬條烟
綠蔭斜開徑間依獨繫舡
愛看歸去鶴時聽晚來蟬
步屣沙痕濕壺中別有天

晴翠撲疎寮軒齋山半腰
捲簾雲宿棟披磴石移椒
鐘磬悠然靜烟霞近可招
風幡能說偈側耳聽芭蕉

石洞千年跡風來爽倍添
古苔斑結籀新筍綠生尖
佛偈雲臨辨詩情李杜兼
何須叅指月世界一華嚴

洞名

偶泛鑑湖明荷風拂擢清鷗波光上下梅雨晝陰晴古
帖閒來搦名茶手自烹夕陽在高柳蟬鳴一聲聲

西山浮翠黛朝秀入書帷賞遇

樓名

忘言處抒思

軒名

放筆

時庭中花氣馥院外馬聲嘶不必北窓啟義皇儼在茲
祈年惟稼穡棄日在琴書

棄日見漢書
即消日之意

樂意觀生物遐

心寄太初風來聞遠磬雨足剪新蔬敢懈時幾勅金籤
響玉除

閭闔篇

誅蕩天門黃道開層城十二光
回回祥風吹扇旭影來
兩兩列宿排三台五雲耀彩
春徘徊迎薰豁達徹九垓
予心如是思深哉無所隱蔽
宇量恢出入登進惟賢才

白蓮

碧玉為冠細作裙臨風偏送晚
來芬壺中原異人間世
不數紅霞數白雲

泛舟

昆明澹容與彩鷁盪蜿蜒雲
母窗間月芙蓉鏡裏天錦

鱗爭濯戟白鷺宿連拳
畫意無詩景無須沸管絃

御製詩初集卷九

欽定四庫全書

御製詩初集卷十

古今體一百十三首

壬戌三

川陝總督尹繼善奏進新麥

薦新遵古制土物貢遐方既用驗農事還宜以覘嘗味
甘端勝芡色白比於霜更喜烽烟息千家餅餌香

西陲用兵

有年近始
寧輯云

京城篇

昔年洛陽陌當日長安道戚里管絃夜狹斜陽春曉春
曉平津樹色開撞鐘伐鼓醉金罍漢宮宋館今何在惟
有城頭烏夜來燕山此日是京城襟山帶河據勝形藹
藹桑柘亘千里冥冥風雨來二陵閭闔當陽啓紫極樓
觀連雲切太清已聞相隄白沙築更看王府黃金成闕
鷄走馬渾餘事貫札穿楊比戶能何限寂寞揚雄宅不
知誰草太元經

六月二十六日聞蛩

清暉之閣松童童松下唧唧吟秋蟲獨步聞聲者不見
窅天露灑幽蘭叢

仰首銀河白於水懶婦聞愁織婦喜四時代謝何足歎
流景從來迅若此

弔叢抱葉露華濡秋來此聲不可無誰復推敲費神思
羅帷高枕夢春駒

驟雨

一抹油雲忽布天獰龍噴沫珠玉懸何處移來三峽水

掛我假山之瀑泉
雨工矯首雲中步
珠簾四下圍朱鷺
高齋吟倚興方綿
摩醯首羅不知數
見釋典

靜

棕颺竹氣三庚餘
池亭波影含冰疏
幽人晝永匡床靜
簾間便是虛無居

六月晦日作

雨霽華清景色佳
天心人意與秋偕
欲占流火傳金令
佇待飄梧到玉階
七月八日始
立秋故云
兩大無私惟育物
一衷

有恪正居齋朱明晝永堂堂過為惜分陰獨咏懷

讀君鑑錄

此鑑堪稱鑑君難果是難欲明興替故不厭再三看克
已須存敬居心莫自寬孜孜勤恤意非博萬民歡

余省羣魚戲荇卷

泖泖水雲鄉文鱗樂趣長
唼波隨所適戲荇忽相忘
儘可供渲染何須避釣網
曠觀託雲漢逸興在濠梁

賦得既雨晴亦佳

天際浮雲去似歸，雨餘爽氣上生衣。
花宮露滿仙人掌，朶殿風開玉女扉。
排檻叢芳醺蝶醉，泥牕薄殼透香微。
如秋景象秋前見，時六月晦日也霜履冰堅已有幾。

七月朔日出城有作

霖雨既優渥，晚苗正懷新。
芳甸錯綠縹，歡生荷鋤人。
時享旋郊園，霜露增感頻。
前旌歷石衢，巾輿出城闈。
金風拂拂來，爽氣應秋晨。
時聞禾黍香，而無衣袂塵。
念彼百王烈，對此三代民。
何當去澆漓，比戶登樸淳。

食荔支有感

炎州佳種號離支，巴峽瀘戎未足奇。
色寫天霞連顆綴，

影留閩月帶根移。

閩中歲進荔支多連樹本鮮摘色味絕佳

酪漿雪質無能

比玉管雲牋有所思，夢裏不知身是夢，還如

賜食寢門時。

宛轉詞

宛轉復宛轉，日月東西升。
望道而未見，所志嗟奚成。

宛轉復宛轉，有似盤中珠。
少小不努力，老大將何如。

宛轉復宛轉聽歌絲竹肉徘徊立軒楹誰識子衷曲
宛轉復宛轉鴉鳴與鵲噪物物含至理忘懷觀衆妙

靜怡軒晚對雨

不辨鳳城漏如聞金虬琴榻欄滌暑氣花木沃芳心延
爽試風袂迷歸亂晚禽詞臣已退食玫陛獨清吟

秋晚聞蟬

向晚蟬聲沸臨秋却有情流音金籟急照影夕陽橫興
永方抽管聽餘似奏笙獨憐爭鳴鳴也解惜朱明

御湖雨意

方蓬只在水雲鄉
點點珠璣灑薄涼
誰寫御湖烟雨意
荷塘蘆岸共蒼茫

波添珠惹魚兒咬
梭織絲牽燕子斜
尤喜平湖風過處
千層錦浪細生花

不辨波聲與雨聲
天和樹色摠含清
何殊畫裏江南景
添箇漁舟短笛橫

唐岱谿山雪霽圖

薰風釀暑吹楹欄黃沉綠浮堆冰盤揮扇那能却炎氣
淋漓梅潤蒸齊紈忽展谿山雪霽圖文筵六月三冬寒
玉屏瓊樹數千里中有村舍非人間凍峽掛珠流不得
漁磯彷彿富春灘唐代筆法老尤勁鼻祖摩詰追范寬
試供病渴人清覽何須熱惱愁長安

新秋月

新月如玉鉤韜光尚未流素娥不用餌釣得許多秋

秋日郊行

綠蒲晴郊生意滋
楊絲風裊玉鞭垂
湖山色澹新圖列
禾黍香濃爽籟吹
但是對時塵育物
何須觀稼始吟詩
宜暘最喜秋陽曝
一縷殘雲歸岫遲

觀魚寓言

鯤鯨戲益益不思池
沼寬鯁鯉依菰蒲
安知江海瀾長
鯨與巨鼈背聳如
層巒物苦拘墟見
至人貴達觀而我
竟何為倚吟興未
闌

七夕感事六首

霓裳辭婺閣鳳駟渡天江淺靨開星眼脩蛾寫月龐停
梭掩空帳集鵲作徒扛漫歎三秋阻應知萬劫雙

巧節當秋晚華筵傍砌呈螢飛避扇影蛩響促機聲玉
宇涼蕭爽銀河夜淺清當年誰恣樂寶殿號長生

銀漢靜無聲風微浪不生翻因雲雨夢添得別離情合

鏡長如缺月啼眶淚已盈露何妨擲機石世上少君平

牛渚秋光動榆街夜色沉乍臨今夕景同憶昔年心雲
路雙星會燈樓七孔鍼阮郎負仙約竿布獨高吟

凌波試仙步絳水駕言過瓜果人間勝笙絲天上和祇
悲夜有盡反覺話無多烏鵲留難住星宮乏網羅

鈞天奏玉虛阿母到來初分景曾名劍班龍共駕輿長
生雖有術入道惜無書何似天人策明遮對仲舒

七夕後一日立秋

碧桐珠露共徘徊無那丁丁玉漏催白帝今朝傳令至
黃姑昨夜帶秋來蟬聲似讓蛩聲急月影依然鏡影開
底事人間兒女子蛛絲棕盒正相猜

新秋試筆

樹吟溪響復蛩鳴
秋到人間信有聲
爽籟吹銷玫瑰綠
晶陽照徹綺牕明
每因代謝觀天運
時對榮枯驗物情
閱罷封章課經史
肯教玩愒度平生

爽

雲生猶鬱陶
雨過即蕭爽
刁刁西北風
時送殘蟬響
景色釀新秋
高晶天宇朗
暑氣辭桃笙
涼颼上鶴氅
西成差可冀
庶慰三農想
因心勅時幾
撫序觀物象

承露盤

聳峙青霄萬丈亭，憑將天露煉元形。
漢皇若果昇仙去，安得人間有茂陵。

青鳥曾傳玉闕言，須臾王母降前軒。
人君自有長生術，五帝三王萬代尊。

雨中舟行

蕭蕭蘆葦颭寒汀，乍失西山萬疊青。
溪上空煙迷遠近，秋聲宜向雨中聽。

畫舫衝煙泛碧瀾
輕衫稱體乍添寒
湖光恁捲珠簾看
點滴蓬牕意未闌

階砌秋英爛然因而有賦

何分嫩紫與柔紅
繡錯牕前帶露叢
乍認無名偏有艷
時看笑雨復悲風
臨池嬌態含明鏡
傍砌寒芳藉落桐
最是女夷偏惜歲
宛疑春到小園中

瓊華樓對雨

颯爽檐帷生薄寒
梧桐枝上玉闌干
雲飛別岫當軒暗

雨過前溪隔座看
聲瀉池荷吟鳳管
點催簷瓦弄珠丸
西山擬望秋晴黛
烟嶼鷗波正渺漫

願晴

祈年時望雨雨足復願晴
願望迭相代一心百慮并
屈指歲月間幾日得暢情
側聞天地大人猶有憾
生誰能學蒙莊逍遙物外征

霽後望西山

山色秋來好天光霽後佳
翠屏開素宇綺思詠高齋
最

愛觀螺黛何須蠟筍鞋碧桐飄蕤籟時復到閒階

新青並積翠畫入文牕氣斂孤峰迴天高去鳥雙度
松鐘有韻歸牧笛無腔我亦如秋淨何妨聲色擬
階墀消溽暑獨步趁微涼秀嶺林含翠橫池葦欲黃生
衣披颯沓窳宇眇蒼茫尤喜晶陽曝平疇正曠秋

讀李白詩

稍遣秋之日間吟白也詩仙才信有謫逸筆總多奇竹
響含風際濤聲出峽時漢遶台方朔國色藉名垂

野鳥有言得過且過者鸚哥效之因戲賦此

不學倉庚能布穀且饒乾鵲解呼晴宴安鳩毒由來事
謾效林間野鳥聲

熱

朱明鼓餘烈晶陽湊午晴虛簾捲湖山殘暑來軒楹揮
扇延爽籟味道遣逸情分寸陰足惜謾苦炎歊蒸

秋夜泛月

玉露金風醞早秋結璘池館倍堪遊影流碧瓦輝鳩鵲

金史四庫全書
卷十
光耀銀河浴斗牛香擢輕移荷芰浦錦帆飛渡鳳麟洲
心將素宇同寥濶宮漏聽催午夜籌

蛩

應候金風爽透惟王孫花下欲歸時乍聽此夕繁如是
因識鳴秋竟不疑夢入寒叢同蘧栩語來露砌許猶夷
雲和絲竹無須奏搦管閒吟有所思

剪園蔬賜大學士南書房翰林等

畦圃秋來候葱蘢雨足時梳風煙甲冷烘旭露華滋穉

事因堪驗天工藉可推許甘藜藿味退食任委蛇

霧

漫漫氛靄蔽林廬誰道天衣祇五銖壺裏山河銀匱匝
詩中池館玉糝糊宜晴最是三庚尾望歲欣當七月圖
佇看秋陽輝碧宇

諺云朝霧晴晚霧陰驗農底用問農夫

題張雨森畫屏十景

孤山逸趣

雪冷梅妻瘦天空鶴子還無人同懶客有興是孤山插

金少曰人今下
卷十
笏峰形直垂虹澗響潺湲竇笛迷谷口不許俗塵攀

花源牧笛

林塢桃花綻仙源又見春夕陽歸牧下牛背笛聲頻霞
染山腰暗煙籠柳眼新劉君若相訪此是避秦人

蕉雨清吟

蕉牕微雨夜篝火獨清吟一室琴書客五言山水心峽
聲連玉滴簷響帶烟斟新畫抽千軸明晨試展尋

溪塘銷夏

松雪齋中客曾傳格法奇
荷塘踈雨後柳岸晚風時
衣履誠瀟落湖山足靜怡
何須誇戴氏斗酒聽黃鸝

荻浦秋漁

金風泛秋瀨漁艇破溪烟
鴻雁霜前信菰蒲鏡裏天
差堪觀共濟底用羨臨淵
村釀香堪貫銀刀值幾錢

松臺月鏡

孤月誰推上雙峰似擘開
蔽虧松影瘦含印水紋迴
古鶴衝雲去幽人杖策來
溫生識此鏡何用玉為臺

楓冷歸帆

霜寒驢背客楓冷暮江天白下三秋渡東吳萬里船沙
痕新漲落帆影晚潮連漁笛悠揚裏鷗波起淡烟

晚籬茶話

西舍復東鄰村翁送主賓科頭行藥圃筇杖過松津景
逐尋山屐春生漉酒巾希夷相對處彷彿葛天民

村齋冬課

霽後玉玲瓏光分甕牖中芸編棊几綠獸炭地爐紅透

莫烹羊樂將母立雪同一般村舍景偏覺讓冬烘

蓬牕對雪

寒溪凍不流風雪夜維舟樹老歸鴉冷更長倦僕愁湖
山隨寂寞天地共沉浮疑是瞿硎子蕭然被鹿裘

中元日觀法事

碧霄湧出銀盃子煙霏風漾清秋美負嶠河山圖畫開
壺天池榭琉璃裏今夕何夕乃中元孟蘭勝會梵吹繁
獅王法座七寶裘祇園優樹千珠懸誰撐寶筏中流處

聞有觀音司其渡人能如彼觀音心東土西天無來去
萬點河燈照水明無枝蓮朶紛亭亭疑是女夷惜穠艷
故放竒葩殿晚榮星移月轉催壺漏桃笙高卧詩情逗
惟有秋蛩不解愁階除唧唧還依舊

賜定邊左副將軍超勇親王額駙策令

舊日殊勲定月支維藩今復寄邊陲每因章奏知忠懇
却為賢勞費解推土拓不誇戎馬績烽銷常慰廟堂思
漢家定遠何須道方識前猷萬載垂

秋曉

晨光漾綺闥露氣含芳叢語蛩學埒雞報曙秋壺中枕
簾切颯寒衣袂流金風晚卉闢其芬似惜華冶容青松
挺百尺豈伊衆花同安知榮與枯落落擎虬龍時咏七
月篇似撫五絃桐甄陶摠至理大哉造化功

秋日聞黃鸝

去帶春同去來將秋共來參商殊甚矣睨睨胡為哉柳
岸黃應漸蘆汀白欲催誰能辨商律高咏獨徨徊

萬泉郊行即事四首

碧天寥濶九霄清涼織輕輿
逐景行水色山光澄素節
日暄風散釀西成

疑是山村是水鄉
禾苗低亞稻苗黃
綠楊十里蟬聲沸
颯爽風中餠粥香

雨過西山翠靄浮
物情人意揔知秋
片雲猶繞孤峰頂
欲借朱明一刻留

誰催殘暑去如歸
信宿西湖暮雨飛
今日秋郊情適處

幽風圖畫是耶非

蘆花

采采亞汀洲為花豈自由羣搖今夕雨不異去年秋
葳鶩戀青葉凌波顛白頭吟看鷺隙影榮落肯淹留

集晉陶淵明歸去來辭字即效其體

良辰春將及萬物欣得時吾生亦幾何遑遑欲安之巾
車晨出遊去留不自期邱壑聊流憩琴書心獨怡壺觴
羨有酒親戚相問遺扶老而携幼東疇命耘耔無心雲

出岫知還鳥倦飛寄傲天宇內行樂復奚疑

賜普覺青崖和尚疊舊作韻

繡旗遙指白雲涯翠輦經臨梵帝家偶晤真僧叅指月
旋瞻古佛卧袈裟

普覺舊卧佛寺也

山川入望成圖畫草木當

秋摠靜嘉舊日今朝原不隔試看階際水萍花

秋日普覺寺

金颺颭華蓋露氣逗曉寒西山景色佳駕言茲遊盍羽
騎度林樾和鸞駐禪關兩峰闢仙路其背衆嶺環蘭若

百年餘勝境非塵寰是時新秋霽黛色滌遠巒一川禾
黍風西成誠可觀金吾莫喧呼恐妨僧坐禪屏營禮大
士而無心可虔卧佛伸其足萬劫常安眠菩薩羣擁立
垂垂寶髮鬋旋憩方丈幽敲火烹山泉泠泠來牖下流
為清鏡瀾襟英紉砌旁鳳仙與雞冠塵心一以灑迴蹕
傳林間比邱漫凝睇爭如上方閒

青龍橋曉行

屏山積翠水澄潭颯沓衣襟爽氣含夾岸垂楊看綠褪

映波晚慕正紅酣風來谷口谿鳴瑟雨過河源天蔚藍
十里稻畦秋早熟分明畫裏小江南

獵獵金颿盪綵旂迎涼輦上露華流橫橋雁齒迴朱舫
遠浦蘭苔起白鷗禾黍香中千頃翠梧桐風裏十分秋
凭輿喜動豐年咏却憶三春午夜憂

西山下故宮

何時帝子宅捨作梵王宮舊跡認鴛瓦秋風老井桐更
無牕綺綠剩有砌花紅何用叅僧偈當前悟色空

普覺寺雜咏

山翠迎人望裏佳，偶來蘭若一開懷。
雲歸別岫松當戶，風入疎櫺客到齋。
僧指苔碑題古跡，鳥傳佛偈噪秋槐。
徘徊詎肯耽幽靜，行漏丁丁報午牌。

石門古樹自相扶，信是仙區別有區。
蘚匝蓮前留鶴篆，泉流階下到僧厨。
經臺法雨飄蓮社，靜室禪心息芘芻。
鷲嶺祇園誰得至，人間此地料應無。

討源書屋恭瞻

皇祖御筆

廿年春色閱靈園
徙倚空懷歲月奔
雨過藥欄花解笑
風迴琴沼水添痕
璇題耀日瞻

飛白綺席當秋想

弄孫心法從來會
治法討源深
媿未窮源

秋夜有作

銀漢靜無聲
芳叢露華白
寒蛩語其根
唧唧聞瑤席
素月流松間
金籟度牕隙
歌枕懷治安
豈作悲秋客

園中摘果恭進

皇太后

黃沉朱實色凝霜
蒼貯筠籃滿意涼
日永

西池琪樹靜擎來
不數五雲漿

閩省四時皆有佛手詩以咏之

天龍一指示全形
豈為花師術有靈
生滅滅餘寂滅樂
羅綿應得四時馨

賦得秋日懸清光

得江字
八韻

皞靈司素節羲馭度天杠騰景殊三伏懸清麗萬邦西
成農扈慶南去雁行雙霧靄辭橫兼葭醉遠江輝揚
結綺扇彩映網紗牕杲杲玫瑰陞瞳瞳翡翠幢晴烘銷
潤溽高瀑朗蒙厖恒仰貞明德心旌獨自降

蓼

蘸水態猶慵臨秋色更濃露香醺蝶栩鏡影惹魚喁每
愛因風舞舞還看隔歲逢陳王若曾識何必賦芙蓉

詣

暢春園問

安

皇太后命觀園內所藝禾黍與與翼翼誠有秋也得詩一首
占歲今秋好祈年午夜曾仙壺叨

澤渥寶稼應時登繡隴黃雲合芳園

懿賞憑泠泠朝露綴靄靄野煙凝官府應無異農桑合
並稱艱難知穡事

慈訓敢欽承

秋夜雨

井梧浙瀝鳴榴枕
窸蕭冷萬籟此間寂
雨滴清秋靜啼
蟹怨寒叢月檻收
殘影吟餘玳瑁筵
夢入虛無境

桂

中秋前一日作

遲開欲問女夷囊
今日欣看拂檻芳
嘉卉解迎秋半節
金枝齊放月中香
珠聲時墜灑灑露
霧氣常霏曲曲廊
縱使素靈多羽衛
供餘丹粟九秋糧

秋日瀛臺

嵐光波影闋新晴樓觀圖雲鏡裏明八月桂風天半馥
西山曉翠座中橫苔紋點砌排碁局霞縷飛空曳綵旌
更喜晶陽輝素宇詩情人意共秋清

淮揚一帶連歲被水黎民貼危用遣高斌前往賑
恤兼求䟽濬之方瀕行詩以賜之

負辰奉三無垂衣御四陸殷殷何盻念所念惟蒼黎祈
年塵宵旰惟願晴雨時安得海宇間比戶足食衣百姓
敦親睦農桑樂雍熙圓蓋蔭仁恩邇來無征輦若獲歲

屢豐教化或可期乃者淮揚郡澤國古若斯年來多水
災黎民困阻饑旬宣勅大吏補救賴有司瘡痍尚未起
賑恤宜早施蠲租並截漕疏流兼護隄凡百區畫方寔
藉衆力為吾思汝其布吾民汝之兒何以淪異漲化為
杭稻畦何以拯蒼黔免彼溝壑危子憂爾其釋爾勞子
應知勉爾經綸榮慰子饑溺思

射獵南苑即事

旭影曛曛射綵旂虞旌初建趁中秋馬嘶平野金聲肅

箭落輕莎露氣浮

增城門外接村坳禾黍垂黃菜麥青今日翠華憑賞處
要知憂思幾番經

鞞鞞橐鞬列羽林當秋文囿偶經臨承平詎肯忘戎事
萬戶饑寒更惕心

翼翼堆場皆早桂累累懸架足秋壺幽風底用丹青筆
十里煙郊入畫圖

北紅門裏仲秋天爽氣游絲拂錦韉行過雁橋人似畫

踏來芳甸草如煙

南苑宜秋宜獵時
禾香風滿赤鸞旗
少年熟讀相如疏
每至歡娛鑒在茲

榆槐黃染野花殷
榮渡時過水一灣
千朵青蓮萬章錦
却教人憶塞中山

省耕省斂古曾聞
望處西成意亦欣
漫把豐年容易看
幾多憂慮度宵分

覽河臣奏報洪水勢

淮水今何似中宵未解憂波臣勢方盛赤子爾何尤廬
舍皆如舫桑麻盡附流每披災疏報似聽泣聲愁異漲
知稍退窮黎得慰不空傳一掬淚為我達揚州

末二句
用李白

語

靜夜思

秋月入我牖秋風拂我床不作風月客笑傲飛羽觴
秋風拂我床秋月入我牖一室四海心展轉思量久

擣衣

於今無征戍秋至也聞砧試想閨中女寧無憶遠心巖
風動商吹村月散清陰萬籟中宵息空餘石畔音

餅中桂

辭林帶餘芬簾餅伴高咏恍疑金粟界色香皆清淨

題塞上枯桐

枯桐枯嶂嶸劫餘留一片生意已寂滅僵卧龍沙岸蟲
蟻穿其孔文理續復斷何人憐逸材製為文房玩架以
紫檀木置之雕漆案植立如半峰文采殊粲粲俯視牕

外樹徒然具枝榦榮枯何有常如露復如雷儻來汝之時故林汝莫羨

秋日南苑行宮

別館離宮迤邐開虛庭古砌足蒼苔花承白露知秋到
鳥噪綠槐訝客來雲避羲輪輝素宇風吹牕網淨纖埃
拈吟多少劬農意不為巡遊騁賦才

德壽寺

上方清俗慮勝蹟足幽探柏子留僧偈天花落佛龕牕

虛含爽籟座靜接朝嵐忘念味禪樂尋思不可耽

夜

畫鼓撻笳吹銀蟾上井槐夜涼雲母帳天迴斗杓魁雁
帶塞風至人呼牧馬來幾餘何所事舊簡為重開

晴

疾雷殿雨殷其鳴金風捲雲去如征須臾窅空懸晶日
樹色山光相闢明多稼更喜秋陽曝我非農人亦望晴
先憂後樂何時已但覺樂少憂常盈

靜夜鐘聲

畫角掩旌門松風靜別殿冷然來鐘聲春容續復斷不
辨催譙樓忽疑叩僧院韻度竹添簧音披月如練久破
耳根禪偶聽聊復戀

曉

桂輪如水露如珠景入秋晨別樣殊紫氣亘川馳野馬
紅雲擁島上金烏寫空北雁眠初起弄影東枝翠相入
扶窠是伯駒工繪事海天旭日早成圖

題郭河陽雪山行旅圖

天娥快剪剪薄紉瓊華一夜纈萬巒臨風玉樹枝簇攢
大地變作銀界觀凍峽千尺白龍蟠濺壁大小皆珠丸
崦岬巖業那可攀刺有羊腸路屈盤誰歟馬背凌兢寒
羸僕皸瘃尤堪憐溪橋滑刺手足攣冷風吹揭墊角冠
名利子也何足歎谷迴路轉茅屋連茅屋有客疑袁安
披卷笑傲忘朝餐嚴威栗烈不可干河陽此法摹范寬
當前勞逸憑君看


再題德壽寺禪房

境古煩囂遠，牕虛爽氣侵。
篆香飄道味，洪鐘空客心。
寂樾蔭嘉香，精藍深文竹。
引清籟好鳥，發幽吟稍憩。
方丈室坐對三秋岑，泠泠功德水堪以濯塵襟。

秋夕於南紅門行宮對月有作

去歲龍沙試秋獮，關山月色閒吟遣。
今宵桂魄還分明，離宮照我無限情。
誰知幾缺復幾圓，暗換今年與去年。
去年月即今年月，何必視昔空悵然。
白露灑灑衣袂冷。

倚楹相對忘懷永



御製詩初集卷十